

tetione di la Signoria nostra, e toria la fia di missier Mathio Tiepolo per moglie, e saria bon etc.

In questa matina io, per esser in septimana, dimandai el Pregadi. Avi gran contrasto, pur il principe me lo dete; e li savj non voleano Pregadi per causa dil parenta' di sier Andrea Griti in la Donada, 437 si fa ogi.

El principe fè lezer una parte notada zercha la recuperation di danari trovadi in Santa Maura, *videlicet* che questa septimana il Colegio tutto aldino li nevodi dil zeneral, e vedino le lettere e scripture; e poi l'altra, in pena di ducati 500, vengino con le sue opinion al Pregadi e soto debito di sagramento.

Vene sier Alvixe Malipiero, è sopra il cotimo di Damasco, et refudò, e *immediate* fo fato scrutinio in suo loco, e cazado pare, fio e frar di nominadi. E fo tutta praticha di sier Michiel di Prioli, qual rimase.

Electo uno sora il cotimo di Damasco.

† 1. Sier Michiel di Prioli di sier Costantin,	15. 7
7. Sier Alvixe di Prioli, qu. sier Francesco,	5.18
4. Sier Antonio Sanudo, qu. sier Lunardo,	7.15
10. Sier Marin Corner, fo vice consolo a Damasco,	10.13
2. Sier Lunardo Zane, fo cataver, qu. sier Hironimo,	5.18
9. Sier Hironimo Trevixan, qu. sier Domenego,	9.13
3. Sier Alvixe Contarini, qu. sier Jacomo,	8.13
6. Sier Nicolò Venier, qu. sier Hironimo, qu. sier Benetto procurator, .	10.12
8. Sier Beneto Gabriel, qu. sier Alvixe, .	10.13

In questa matina, se intese le galie di Fiandra esser passate. *Tamen* non si à certezza; presto se intenderà.

Da poi disnar fo Pregadi. Fo posto per li proveditori di comun, sier Alvise Loredan, sier Sebastiano Trivixan, sier Antonio da Mulla, certa parte che quelli aterra li rii, ruina li ponti et strade loro, li puniscano etc. Ave 4 di no.

Fu posto, per el serenissimo e tutto il Colegio, *excepto* sier Antonio Trun, la parte leta questa matina zercha li danari di Santa Maura. Poi andò suso ditto sier Antonio Trun, dicendo chi à tochè li danari vol li dagi fuora, e fè lezer uno scontro notado per

Nicolò Aurelio, *videlicet*, in termine di zorni 8, tutti chi à 'uto ditti danari o li è prevenuti in le man, monition, artilarie etc., debino darsi in nota a li avogadori, soto pena di altrettanto per pena, la $\frac{1}{2}$ di l'acusador e la mità di avogadori, e poi si vegni tutti di Colegio, in pena etc., a questo conto a terminar *quid fiendum*; e sia scripto al proveditor di l'armada, acciò quelli sono li intendi, e altre clausule *ut in parte*, qual sarà copiada qui avanti. Et sier Alvixe di Prioli qu. sier Piero procurator, *olim* suoxero di sier Piero da Pexaro qu. sier Nicolò, andò in renga, laudò le operation dil zeneral commemorandole, et era ben ultimar tal materia, ma si aldise li Pexari, pregando si andasse non sencier niun di Colegio. Volse azonzer tal clausula. Andò la parte, cazadi prima li parenti dil zeneral et di soi nepoti.

437*

Di le parte, fo 38 non sinceri, 16 di no, e questa andò zoso; 44 dil serenissimo e altri, 65 dil Trun. *Iterum* balotade, 47 non sinceri, 43 dil serenissimo, 75 dil Trun. *Iterum* balotade, 52 non sinceri, 34 del serenissimo, 80 dil Trun. *Et iterum*, 55 non sinceri, 28 dil serenissimo, 85 dil Trun; e fu presa.

Fu posto, per nui 4 savj a i ordeni, l'incanto di le galie di Constantinopoli, *alias* balotato, *excepto* el mudar di danari, *videlicet* hora li demo don ducati 500 dil spiron, 500 di 3 savj sora i conti, et 500 di acrescimenti, et vadino a tochar di ritorno Napoli di Romania. Sier Marco Antonio Calbo messe, atento li confini di Napoli non siano expediti, che partito l'orator tureho, cadaun di Colegio vengi con le so' opinion, *utrum* si se debi mandar galie o no etc. Andai in renga et parlai *judicio multorum* ben. Mi rispose el preditto Calbo; poi volse parlar sier Trojan Bolani. Andò l'incanto: 2 non sinceri, nulla di no, 64 di l'incanto, 96 di l'indusia, e preso l'indusia. Fu comandà streta credenza.

Fu posto per nui, andando una caravella al viazo di Constantinopoli, patron Antonio di Polo di Curzola, con robe di merchadanti per ducati 20 milia, che sia scripto al proveditor di l'armada che mandi una o più galie (*ad*) acompagnarla a la bocha di Stretto etc. Ave 12 di no, et fu presa, e si parte doman.

Fu posto per nui, atento sia preso in la materia di le nave etc., che fusse cazado li parenti di participi etc., e atento che si cazeria bona parte dil Colegio e di questo Consejo, che se intendi *solum* pare e fradeli e fioli di li participi, di quelli hanno auto il don di la Signoria etc. Ave tutto il Consejo.

Fu posto per nui, atento molti merchadanti haveano ritornate le so merchantie con queste galie di